



UNIVERSITÄTS-
BIBLIOTHEK
PADERBORN

De Vita Et Rebus Gestis Christophori Bernardi Episcopi Et Principis Monasteriensis Decas

Alpen, Johann von

Coesfeldiae, 1694

27. Princeps eo facto irritatus. Citat Senatum. Factum exprobrat.

[urn:nbn:de:hbz:466:1-68495](https://nbn-resolving.org/urn:nbn:de:hbz:466:1-68495)

1654.

tionem, electumque oppugnare; desperatione successus recurrere ad populi studia; plebem vocare injuriarum vindicem; causae arbitros; eamque tum animis, tum auxiliis praesto esse, sed ingenti etiam poenam quandoque multandam. Sic secula & personas interiisse quidem, causas tamen & eventa ferme eadem recurrisse.

27.

*Prin-
ceps eo
facto ir-
ritatus.*

Enimvero furiosae seditionis nuncius vehementer afflixit Principis animum. Et quanquam in aula instabant aliqui, haud cunctandum amplius; exui privilegiis oportere turbulentam civitatem, ejusque arce condi arcem, futurum posthac tam contumaci populo frenum; ad id vero adigi posse haud pluribus, quam tribus militum millibus, operamque in id suam iidem strenue offerebant. Hoc tamen rerum statu facile praepotuit mitior aliorum sententia, ut in seditiosos tantum, factionisque auctores animadverteretur, caeterum insanae plebis furor modestis civibus fraudi ne foret. Quod Princeps consilium amplexus, *Coesfeldiam* Magistratum evocavit, comiteu libero, ne quis excusationi locus daretur, perquam benigne oblato. Cumque statutam horam sisterent se Senior istius anni Consul & Senatores aliquot, in haec fere verba praesentes affatur. *Audivisse absentem, ingenti cum dolore, quorundam factionum*

*Citat
Senatum.*

*Et factum
exprobrat.*

serum

forum in Civitate sua turbas, inspectante ipso Senatu, partim inchoatas, partim perfectas. Illatam pratorianis suis, iustitiae administris injuriam, vim Capitalibus, damnum Societati; Collegium à Majoribus suis conditum, ab sacrilegis impie profanatum, fractas in eo fenestras, nobilium, agnatorumque clypeis insignitas. Ipsos Societatis Religiosos ac Sacerdotes, ad ceteras contumelias indignè habitos, quaeque alia dum sigillatim memorat, Civitatem, ait, ob huiusmodi facinora meritam, quae armatam iusti Principis vindictam sentiat, subactaque penas luat multo graviore; tamen clementiam inductum, mitiora postulare se, & imprimis laesa existimationis ac iurisdictionis suae, tum violatae immunitatis Ecclesiasticae, dein ignominiae, damnorumque Ordini Societatis illatorum reparationem; & si Civitatem salvam velint, in turbarum auctores, incentoresque serio inquirant; nec ea flagitia diu poenam carere patiantur, quin potius reorum perfidiam, severam iustaque animadversione compensent. Prae ceteris vero Mallingerotium restituant custodiae priori. Demum quod hoc ipso Senatus exemplo convincatur populum à se in officio contineri non posse, cautionem postulat, Ecclesiastico

stico

1654.

*stico iuxta ac civili ordini universo
major posthac securitas in Urbe praestetur.*

28.

*Respon-
sio Sena-
torum.*

Senatores qui missi erant, cum ab objectis initio criminibus purgare se frustra conniterentur, ipsa scilicet factorum evidentiâ convicti; tandem paratos offerunt se in authores diligenter inquisituros, acturosque, ut dignâ factis animadversione rei plectantur, quique damna intulerint, ad justam adigantur omnium reparationem. Quæ verò necessitatem publicæ quietis spectent, ea nunc Magistratum continendi, coercendique plebem media invenisse, ut sanctè spondere possint, victurum posthac Ecclesiasticum ac civilem ordinem universum, omnis in Urbe periculi securum. At verò *Malingrotium* custodiae priori restituere Apostolicis se processibus ac brachij sæcularis imploratione adhuc dum impediri.

*Replica
Principis.*

Hos tametsi Princeps, occasione censurarum emanasse, nec ad separatam securitatem postea apprehensionis casum, crimenque perduellionis capitale, cui nec ipse quidem Nuncius immiscere se velit, ullatenus extendi posse, satis superque monstraret; imò verò si (quam hæcenus necdum expertus sit) tam piâ Monasteriensis populus Religionis teneritudine ducatur, uti jam ante sapius, ita denudò contestari, abundè se apud Apostolicam

licam